

CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DO INCIO PARA ACTIVIDADES DE PROMOCIÓN DO TURISMO DE GALICIA A TRAVÉS DO PROGRAMA VERÁN NO INCIO 2025

MEMORIA XUSTIFICATIVA

O xerente de Turismo de Galicia

DECLARA:

Que esta Axencia de Turismo de Galicia formalizou co Concello do Incio o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2025.

Que o instrumento convencional ten por obxecto establecer o marco de colaboración para a promoción do turismo de Galicia e a posta en valor da marca Galicia a través do apoio á divulgación turística e cultural do Concello do Incio de acordo co establecido no orzamento do convenio ao abeiro do programa verán no Incio.

Como obxectivos de colaboración inclúese o de impulsar o desenvolvemento cultural e económico do Incio a través do impacto das actuacións para atraer a visitantes, xerar turismo cultural e, ao mesmo tempo, contribuír ao crecemento económico da vila e da provincia.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia de Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e a innovación, o desenvolvemento, mellora, información e difusión do sector turístico



galego, potenciando a devandita oferta, mediante a comercialización, información e difusión do produto turístico da Comunidade Autónoma de Galicia.

Para lograr esta finalidade a Axencia de Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- O Concello do Incio ten competencias en materia de turismo, de acordo co disposto no artigo 25.2.h) da Lei 7/1985, do 2 de abril, reguladora das bases do réxime local, posto en relación coa Lei 7/2011, do 27 de outubro, do turismo de Galicia, no exercicio das cales desenvolve diversas actuacións ao longo do ano.

O Concello do Incio, un pequeno concello rural do interior da provincia de Lugo, atópase na parte meridional da comarca de Sarria, nunha zona de transición entre o val de Lemos e a serra do Courel. A súa superficie ronda os 146 km² e está formado por 28 parroquias moi dispersas ao longo da súa ampla superficie.

A capital do municipio é A Cruz do Incio, sendo esta localidade o lugar onde se concentran a maioría de servizos básicos e establecementos comerciais existentes no Concello, e polo tanto, o punto de referencia dos veciños/as no seu día a día en canto a xestións administrativas, consultas médicas, comercio e ocio.

Dende o goberno local estase a traballar arreo dende diferentes ámbitos para contribuír a mellorar a calidade de vida dos seus veciños e veciñas, así como dos potenciais visitantes, coa finalidade de conseguir un concello vivo e atractivo para residir e ser visitado, mellorando a prestación dos servizos públicos e potenciando iniciativas emprendedoras e xeradoras de riqueza.

Neste senso, potenciar dende a Administración a riqueza turística e cultural existentes, considérase un bo mecanismo para poñer en valor todo o patrimonio material e inmaterial que existe, ben sexa mediante o impulso de actividades e eventos que realizan os diferentes colectivos e as asociacións culturais de veciños asentadas no territorio, como a colaboración con outras entidades que desexen levar a cabo actividades potenciadoras e divulgadoras da riqueza cultural, etnográfica e turística do municipio.



A riqueza patrimonial e paisaxística do Incio vese complementada coa súa grande variedade de festas e eventos que ao longo do ano dinamizan a poboación como destino turístico, mellorando a experiencia dos visitantes e veciños e determinado a identidade da cidade.

Con estas actuacións, o concello pretende impulsar a O Incio como vila da cultura e referente nacional e como un destino turístico imperdible.

Terceiro.- O Incio tradicionalmente se vén apostando por apoiar todo tipo de actividades que sexan dinamizadoras e xeradoras de riqueza social e económica no territorio, observando un importante retorno tanto directo como indirecto tanto na economía como na sociedade local, ademais de dar a coñecer ao Incio, o seu entorno, o seu patrimonio e a súa cultura entre toda a sociedade.

En liña co exposto púxose en marcha durante este verán de 2025 o programa “Verán no Incio 2025”, o cal aglutina diferentes propostas de tipo deportivo, cultural e de ocio, coa finalidade de dar un impulso á política de dinamización antes descrita, nunha época do ano onde a poboación aumenta nos municipios rurais e se demanda máis oferta de ocio, sendo unha boa ocasión para dar a coñecer máis aínda entre a poboación as posibilidades e o atractivo do rural de Galicia.

O programa pretende ser un impulso e un complemento a un conxunto de actividades e actuacións máis amplo que dende este Concello xa se leva a cabo durante o verán. Con cargo a este Programa, o Concello do Incio deu un impulso á oferta cultural e de ocio para o verán, dende o fomento do turismo e da cultura como eixos fundamentais e que se presenta en catro grandes bloques: deporte e natureza; música e natureza: cultura da terra e seráns no Incio.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.



En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

